

芳洲文集續編

芳洲文集續編卷之五

泰和陳循著

玄孫以躍編梓

傳

節齋傳

節齋姓王名鉉字彥魯節齋其號也世為泰和南富名族其號曰節齋者取易鼎上九爻玉鉉而上剛柔節之義也節齋端簡不凡讀書不究其義不置稍長以父伯瞻甫命後其季父伯宗節齋於是事其所後如所從出人以此知節齋於其所後如此於其所從為可知也既

而竊自嘆曰吾於所後固可以盡為後之道吾於所從
可以無報乎乃圖所以報之之術遂去為邑庠生日以
通今學古為務每旬日一歸省雖甚寒暑不廢數年以
易經舉於鄉名在前列時永樂六年也明年會試禮部
為正榜第幾人主司刻其作易義一首為時輩所稱譽
會 天子幸北京不果廷對又二年始擢蕭時中榜進
士第二甲進士踰年授河南道監察御史未幾遂掌道
事居官廉謹有為正身而人知畏一日都堂職關預受
諸君之命權焉人以其所行得持憲大體洪熙元年
蒙推 恩封伯瞻父為監察御史母某氏為孺人節齋

喜曰此吾平生願也今幸遂矣夫復何望既而以九載
滿起遷浙江按察僉事任未踰時風紀為之大振以丁
憂去官居喪一本於禮族姻稱焉時里中與節齋宗黨
有素怨者欲傾之於朝廷計無所出有為之謀者曰
今詔逮非連達官不能致某之兄僉事非達官乎遂
誣及之果逮至京節齋嘆曰是非得失何足與較較則
寧無毀傷於遺體乎即自誣服無一語咎人遂罷官歸
京師士大夫之知節齋者莫不為寃而高其達焉既杜
門却掃課其子弟詩書之外惟陶情於山水而已今而
後庶幾得吾節之道也節齋予之平生故本與予生同

歲游同學仕同朝而予知止獨不同此予所為有媿
節齋也予雖有媿於節齋而實不能忘情於其已往因
為之傳以明其志 贊曰君子之於天下無固無必惟
視義之可否而已得失進退取舍無不以焉至於是非
毀譽則惟省其在己而不較乎在人此君子之所以自
處也節齋於得失進退取舍是非毀譽之際庶乎其樂
此矣

上舍郭彥常先生傳

君諱彰字彥常姓郭氏其先岳州臨湘人也六世祖滙
宋季舉進士為袁州司戶後棄官家泰和祖巨川父慶

宗君生七歲而孤季父慶守亡子以君為子慶守為都
稅司副使携以侍行君遂以京官子弟之俊秀補國子
生受學於學錄鄉先生肅執止所止所奇之曰異日有
用之器也未幾以養親去元季兵亂其同產兄被俘不
還其父無他子矣君遂以季父命歸後其父而以其仲
子公繩後季父之子而事季父厯官瓜州武岡漢陽登
州君悉侍行調護百至終季父身衰季父歿奉柩歸喪
葬如禮自是傲傲於閭里間逍遙自得人莫窺其意也
平居惟務教子嘗語之曰非學無以知人之道非經無
以為學之本故凡遣子從遊必擇明師其處族姻鄉黨

咸盡其道其為人磊落豪曠而負氣節其言論英發所
在輒愕其座人其行義足以警流俗之弊其才識足以
濟當世之務於官蓋鮮不可以任者也永樂初詔下
舉才德之士其故交左春坊左諭德兼翰林侍講楊公
士奇翰林脩撰梁公用之相與薦君會病不果已歿歿
時年五十又六年子公緒舉進士後歷陝西浙江廣西
按察僉事有能名蓋君之教也余觀古今人達者未必
盡才且賢于窮窮者未必盡不如達而世往往皆以窮
達為得喪亦繆矣如金玉豈惟貴其器用而賤其在積
弊如耶君其在積之金玉而惜其不幸毀且鏹也可慨

也夫故載之

雜著

引 跋 贊 銘 哀辭

張御史和唐詩引

監察御史慈溪張楷式之讀書未登進士第時已篤志於詩學嘗從予同年友鄭君惟桓講論其要深有造詣每有所觸輒發於詩然厭今之作者率皆酬應人事千篇一律不足以擴其思乃取襄城楊伯謙所選唐人詩曰正音者和其五言律及近體之韻通幾百首欲踵其轍而造其庭戶焉其用心亦勤矣夫自漢魏以後言詩

莫先於唐唐人詩自伯謙選後如伯樂顧冀北馬羣驥
駟騏驎舉在其目何其精也式之所和在此其識鑑可
知矣比讀其詩非惟用元韻而已矣其景與事如在當
時親唱和者此又非學不能至也其理順而詞雅視唐
人雖有間而列於今人未為甚後也誠由此而駸駸不
已豈獨並驅於唐等而上之亦未可量在作輟何如耳
式之自登第至居官綽有名稱以其餘閒有此佳作使
得一力於此其至當何如耶歲之士子以考績至北京
間出此稿視予余深喜焉因為引其端以歸之

恭題 仁廟御製詩後

仁宗皇帝在東宮監國時兩製詩 賜翰林侍讀兼右

春坊右贊善臣梁潛其一于重陽日其一于冬至日蓋
皆永樂丁酉歲也時臣循與臣潛所居密邇親見中官
費至各有 東宮圖書并 賜時物竊自感激以為

儲君厚遇輔臣如此前此所稀見者而士君子獲遭逢
亦何其盛也哉越明年臣潛卒其子弟皆無在側者二
詩的本遂以散逸於乎龍泉太阿秘于地下變化飛騰
尚不能免况于 天章雲翰至寶之精安保不終歸太

空即臣潛子榮能記憶二詩謹錄裝潢之世寶于家以
寓無窮感戴之情間示臣循俾識下方伏惟天之所為

至大者日月星辰之文垂象于萬民也聖人所為至貴者旌能命德之文垂輝于萬世也仁宗皇帝宸奎之著如此日星之麗天而臣潛有得焉其殆與之相為久遠雖沒豈不猶長存乎梁氏子孫尚慎敬之亦足以見乃祖乃父弘才潛德見重于當時如此也

題劉咸進士制策後

永樂壬辰歲 上親策貢士題臣劉咸被 賜者咸既中第二甲第四名蒙 恩賜進士出身謹裝潢是題為卷而附錄其所對于後寶藏之之家以為世榮而屬臣職其下方臣俯仰惟 皇上君臨天下三歲一親策

士而拔其言之根於理道者 賜之寵榮此誠所寶惟
賢者矣士之獲遭逢者何其幸哉然仁義者天所與人
之至寶也君子學以成之見之文詞著之躬行而惜之
於事業上以忠乎 君下以惠乎民則為能自寶也惟
聖主為能寶其賢於朝惟賢才為能寶其德於己咸
能副乎 聖天子所以寶賢之意乎尚於所對毋自託
之空言可也懋敬之懋敬之

題劉士拯進士制策後

永樂乙未三月一日 皇上親策天下貢士四日 賜
臣循等三百五十一人進士及第出身有差兩受制

策臣等既皆寶歲於家以為子孫無窮之瞻臣誤謂臣
忝在首選宜有述於下方臣謹正冠肅容再拜稽首而
述之曰仰惟 聖明混一天下德澤涵濡於萬物者五
十年於茲矣雖深山窮谷愚夫鄙婦猶能感 恩思奮
以報效於 明時而况經生學子幼承庠序之教壯際
賀興之盛一旦目睹清光躬承 寵眷如臣循等者乎
然則繼今以往其有一言不幾乎道一行不由乎度實
此而曰吾進士也其不大有媿于中哉願與勉之不獨
斯 制策所藏之處熒光燭天要使功業之著與之相
為無窮可也

書方寸地卷後

刑部侍郎毗陵段公時舉其先曰篤脩者江右南康人也仕元不偶乃歸耕于廬山之下委曰心苟存善何必任為得耶其言與書惟孝友于兄弟施於有政是亦為政何必居位乃為為政意同虞文靖公高之書方寸地三字遺焉蓋取昔人但存方寸地留與子孫耕之義揭文安公為作方寸地說謂方寸地昔人以喻善心二公故墨已亡今可見者獨錄本耳時舉有志繩其祖武求諸大夫君子題識其後以予有斯文契間亦及焉於乎昔之所謂方寸地者此善心也篤脩存之以貽其子孫

耕今觀時舉所至其非耕而有獲者耶今之所謂方寸地者亦此心也時舉繼乃祖而存之將其後人無耕獲如今日者耶夫善一也孟子以謂窮則獨善其身達則兼善天下其惠流於家邦者將於時舉望焉時舉為人端重而謹厚和易而公恕以名進士荐居顯要歷事三朝翕然見譽於士大夫不賢而能然耶其於予所望者又豈肯少孤也

書上模曾氏族譜

嘗觀世家鉅族所稱為遠大者非以生齒之繁也非以人口之盛也又非徒席先世之餘庥以自矜詡也有禮

義而已禮義為國之維循此以行即保有其國無難者
况一族乎吾邑中多著姓獨推上模曾氏自始遷之祖
迄今餘二十世子姓凡千計皆守禮義不懈得免塗人
之視文獻甲他族所謂遠且大非耶夫人服窮則情易
睽世久則分易淆乃踰數百年無間長若勿肅然知禮
義所當守是操何術哉紀世系則本其所始序昭穆則
辨其所異使尊卑疎戚之分纒纒然如指諸掌此禮義
所由生而曾氏譜所由作也譜創於梧岡病叟從續於
潮州郡博子唯滋陽丞忠翔今刑部主事時升又重脩
焉時升起家明進士朗識竒抱綽乎大受之器乃獨加

意於斯譜匪特用心之勤而睦族之仁見矣繼今為
曾氏後者觀譜之所由作又思族之所由昌仕者以
禮義我淑世處者以禮義刑家而益明於長長幼幼親
親之道則和氣所萃暢為瑞氣又未必無繼時升而
起者以綿遠大之譽於永終也時升持譜索題故為
之書以勸

跋羅氏宗譜

余守制還家讀禮衰經間數日故人羅翁審交來唁慰
與之叙舊未竟遽別去其月審交貴禮携其宗譜俾余
跋之余觀其譜吏部尚書劉公子高禮部主事尹昌隆

序之詳矣尚書公余雖未識而德業文學薰炙久矣昌
隆余之畏友余何喙於其間哉嗟夫二賢之翰墨未易
得羅之先世必有仕宦學行足以感之者余觀審交宋
評事文節元益運司副使明甫之後國朝宜春教諭惠
卿秀水令仲庸之姪文獻相承科第仕宦不乏所以來
二賢之文也余與審交自家食時相敬至今不衰違
之非人情也遂書以復之

壽星贊

迢迢天階列宿耀芒環拱 帝座麗天為章中有南極
儲瑞毓祥應和順軌厥有經常至仁盛德福善佑良暨

觀八極世底隆長乃見丙丁燁乎發光奪彩萬象流輝
四方睇瞻景耀靡時或忘願錫我國既壽永昌底惠生
民熙熙樂康拜手述贊萬壽無疆

題龍泉蕭僉事父存中像

壺省危冠山林逸士肅文雅之像容養安恬之意氣積
書萬卷效韓公所詠之鄴侯教子五人如馮相所稱之
竇氏一官從烏府以推恩三釜自藩方而養志高山流
水挹琴樂之清風脩竹茂林遂觴浮之勝會閱春秋七
十有六視鄉社百千能幾蓋將見滾滾蘭茁之孫曾而
上膺源源川臻之壽祉者歟

樂處士象明贊

此樂處士靜學之像踈簡而謙和爽朗而直易承累世之德慶倡一門之詩禮務施予以贊皇仁履忠厚以為世計山水園田從容於臨翫之間賓朋詩酒散誕乎交遊之際父母與之曰孝昆仲稱之曰弟鄉黨德之曰惠朝廷旌之曰義此其所以宜康宜榮宜壽宜祉也歟

蘭所銘

河南陝西都轉運鹽使司同知錢君漢前廣東按察副使也以蘭名其公退之所屬余為之銘曰草木為物

固有常理榮瘁美惡實本乎氣孰榮孰瘁松栢桃李孰
惡孰美荆棘蘭芷人於其間各從其類理同氣合日親
不棄與已一拂遠之乃喜我思錢公有美君子藝蘭于
軒清滿庭圮心與之俱忘誰我爾左右琴樽前後圖之
以樂以娛孰可為比我述銘詩相終于始公必如蘭永
以自勵

孝友堂銘

有美君子不忝所生克孝其親友于弟兄詩稱張仲書
美君陳千載而下仰慕斯人嗟嗟順德人所同備胡喪
其良借鋤紛臂備吾西昌忠義之鄉詩書禮義乃俗之

常况際 熙明沐 天子化宜爾厚倫以樂田野巖巖

高堂有燁其中我作銘詩以相謹終 少湖蕭氏子震

以孝友名其堂來求為銘予為之銘如右

獻秀庭銘有序

希稷為泰和縣學訓導將九載有芝產於庭人咸以為地脉獻秀王氏嘉徵也因名為獻秀庭間屬予為題之銘曰 孰植無本孰濬無源源深流遠本厚末繁在物且爾况在人乎凡百祥慶善為之根匪雨能潤匪日能暄栽培長養皆以吾身吾身之善豈自外援勝私去昧思復其源衆善既備祥慶乃著考諸書易具有明言詳

慶將至其兆先陳三槐示興然荆戒分而况芝草和氣
所臻一或獻秀為瑞可倫大瑞一國小瑞一門公宇私
室惟其所存翼翼齋居芝產如雲匪國之瑞王氏之氣
奕奕王氏有善有仁光輝盛大與物皆春

皆安堂銘有序

吾廬陵安成劉求矩兄弟名其所止曰皆安堂其仲永
樂舉進士為禮部主事以偏一言嗟乎君子所謂安者
在於事君事長持身接物之際求安乎已之心而亦安
乎彼之心也何則心者義理之所存也惟能安乎心即
所謂安於義理矣而豈溺其所處之安者可擬耶作皆

安堂銘以塞請 銘曰至哉古人致安有自是以大學

始於知止先事後食事君之敬為臣止之壽以有永愛
而知勞撫子之慈為父止之後以不危立身行道顯親
之孝為子止之世以有耀言行必情接物之信交友止
之直諒斯近惟茲往訓苟有能履匪徒寧人亦以安已
凡百所止皆可類推矧於家庭一本同氣兄友其弟弟
恭具兄兄心既安弟容不寧欣戚不關慶吊無禮有獨
安者皆苟而已卓卓劉宗伯仲如玉怡然相愛往訓是
服惟愛生和惟和生安一門無間奚啻二難崇山惟安
所以能久仁者樂山所以能壽夫安之長乃理之常而

况乎皆有不紊昌我銘其堂以告來繼母墮乃安庶引弗替

恬齋銘有序

泰和劉君士簡有弟舉進士累官至按察副使而已退然自執不以勢利少動其心闢治一室扁曰恬齋日處其中以進以脩莫有稱其名也間求予為之銘銘曰猷畝之農朝作暮息不役乃心乃疲其力逐利之民何啻力疲擾擾汨汨志驚神馳得則欣欣失則戚戚卒無寧歲於吾奚益辟之於水奔者為河納汗葳醜其勞孔多孰如止沼寐然無撓澄可鑑髮自得其妙卓哉士簡

養恬讀書視彼不靖欣戚何如翼翼高齋我銘其壁庶
克有助永保無斁

翰林脩撰周時簡哀辭有序

宣德六年十一月二十六日予友翰林脩撰吉水周時
簡以疾卒上聞為之悼惜再三特賜棺賜賻鈔五千
緡給舟命其宗弟翰林脩撰公叙護喪歸葬其鄉其榮
幸莫大矣嗚呼時簡何止於此耶志存遠大而時又足
以有為學務勤敏而年乃不能相副嗚呼時簡果何為
而然耶其人之所為耶抑命也耶予不能無哀也詞
曰嗟吾時簡兮朝夕相即藹然契好兮市交莫敵方冀

久要兮誼堅金石孰計見棄兮遂絕來覲物誰長存兮
理固不易獨為時簡兮倍傷悼惜有親覲然兮老耄將
迫有子孑然兮童穉未釋仰事俯育兮方茲賴力忽其
俱負兮何痛能及梧山蒼蒼兮沂溪流碧歸觀其間兮
惠自天錫亘百千禩兮榮被鄉邑我懷耿耿兮其何有
極

芳洲文集續編卷之六

泰和陳循著

玄孫以躍編梓

詩

五言古詩

學古齋為吉水劉敷典學賦

高齋深且廣松竹四垂陰環座列書籍日夕窮幽尋周
孔大聖人顏孟嗣徽音相承豈在他悠悠契此心所以
聖賢徒千載還歆欽詩書飾我言仁義披我襟惕然謹
岐惑聊以閑規箴勉力務深造古道將在今我為歌詩

篇庶以期精深

題温州府同知永思堂卷

歲月易云邁人生能幾時胡為百年內慘慘中腸悲念
此泉下親長去無還期音容已懸隔寤寐如見之崇山
或可易我心終不移滄波流有極我思浩無涯長歌陟
岵篇永廢蓼莪詩佳城日在望西風雙淚垂

皆春堂

少小慕仁術力究軒岐秘參苓滿屋廬芝朮繞庭砌盍
然指顧間物物含春意憫焉愛人心用以弘和濟披召
過金門懸壺向都市業誠極工巧施固棄貧匱天折俱

生成痒痾總脫離願貽却老方置我長生地

丘山風木

少小荷鞠育老大銜悲傷悲傷果何為雙親久已亡厚
祿二千石榮養雖可將何由及泉下念之熱中腸丘山
正崔嵬高墳生白楊悲風四邊來蕭蕭哀靡常遠違逾
萬里昕夕榮瞻望安得遂所願日宅丘山陽報親誠有
道思慕固其良

任敬祥訥齋

天道本無言默運皆至理四序相代更萬物自生逐聖
人欲無言小子何所紀好古而傳述六經行萬世賢者

非無言慎勿涉非禮孟云豈好辨顏請事克已學者奚
無言所貴先蹈履一或弗顧行駟馬難追暨高齋訥為
名欲究聖賢旨守口恒如瓶惟恐傷煩易嗟嗟多言患
匪獨衆所忌忍辱無起羞其效可立俟所以志十心汲
汲思遠此我歌以為箴庶警朝夕視豈徒能近仁可免
不逮耻

李給事中春壽堂

南山有靈草服之能忘憂移來植堂北豈欲為身謀念
有堂上親孀居數十秋劬勞德未報條已成白頭願親
賴茲草日夕恒免愁怡然膺祿養壽與南山侔世人擅

孝稱孰與曾閔派卓哉李氏子直欲師前脩春輝苟弗
逮壯志寧肯休我歌勗子篇龜勉毋逗遛

題嚴子陵釣圖

舉世慕人爵求之欲舍生出門邁山海寧顧溺與傾超
超漢高士寵辱並不驚故人采六龍計從言更聽欲
貴可云喻視比鴻毛輕歛袂還富春重此山水清釣竿
日在手陶然適其情豈不愧貪薄徒勞趨利名

五言律詩

贈貢士復道尹君上春官

車馬動香塵之君謂帝宸一經傳雅頌三策獻天

人烟雨鍾陵曉鶯花上苑春信知離別苦莫厭酒盃
頻

贈郭紹容之遼東省親

憶別嚴親久今朝定省遊滿斟桑落酒穩駕木蘭舟燕
語東風暖鶯啼綠樹稠倚門親望切去去莫遲留

題竹寄上官知州儀

瀟灑瀛洲守登科早有榮廉勤官不忝公恕訟能平嘉
穀秋盈野賢名日滿京此君清可擬聊託寄深情

輓章郎中母二首

婦德人稱順閨門衆仰慈高堂膺慶日令子舞衣時祿

養方云盛萱花忽自摧當歌薤露處行客也應悲
白髮卽官母光榮七十春一家師令德五福備閒身養
母頻供旨居兒每擇隣閨門何所遺恩愛在諸姻

驛接

迢遞關門外崢嶸野水邊
窓虛波漾日簷暝樹參天薄
暮風烟入清霄鼓角傳
登臨淹佩服眺望極山川
迥識雲中騎低看月下船
孤魂却飛去離思轉綿綿

五言絕句

題栗樹上松鼠二首

世久肆乃貪何異鼠升樹
但知得粟利寧慮墜枝苦

我思草間羔同此松上鼠鳥夷皆用貢皮服應在汝

題鷹二首

寥寥棲一枝嘿嘿思千里勿作孤兔謀當為豹虎計
含情怒在目奮身威見來俯仰六合間不為圖一飽

七言古詩

題松贈劉處士叔升

僊翁昔日種兩株霜雪百年枝幹苦秋雨悵寂龍髯垂
朔風蕭騷猿臂舞高標九霄雲外誇壯節群芳頭上數
琥珀茯苓真可期枳棘樗櫟烏足伍誰寫此面贈遠行
勝折河陽柳千樹相看期共歲寒盟他日凌雲更高舉

送尹復道任訓導

長安道上春日遲垂楊五月花始飛紅塵撲面北風吼
居人被服猶春衣羨子承恩持教鐸南行又得過鄉
郭甘從文學老此身何用虛名等光岳高堂有母八十
餘康健清明五福軀一度之官一歸拜此幸宜應天下
無嗟我與子同為客子向天南我冀北舉頭鴻鵠渺雲
涯徒然悵望都城側

送徽州府同知尹君自道歌

君家嚴君老文學幾載編摩居館閣九重優詔賜歸
田三徑黃花有清樂美君兄弟富詩書挾策又向金

門趨難兄郡庠司教鐸難弟太學揚聲譽君家積善素
非淺父子兄弟俱光顯冠帶累累自一門富貴人間古
來鮮我憶昔年為童蒙與君共學居城東泊庵先生最
博雅遽然一見歡相從後來相繼入鄉校交情還復如
管鮑細雨寒檠秋夜長幾向窓前話忠孝二十年来如
夢驚祇今飄泊似浮萍君既作官佐大府我亦竊祿居
明廷前年送君南平道今年送君薊城堡人生會合良
有時莫惜金尊屢傾倒我有贈子篇愧非瑤華音臨岐
惜分手因之瀉我心朔風吹颿急於箭竹旌指日趨畿
甸廣陵草長抽芳帶揚子波靜澄素練廬山峩峩高挿

天大姑小姑相連延南望鄉園應不遠登臨莫惜沽酒
錢君家正在冠朝里蒼松翠竹連雲起堂上雙親俱白
頭一見頓令心獨喜故鄉少年衣錦歸况復拜慶趨庭
闈人生所願未易得羨君此去兩無遠萬里嚴程行莫
緩扁舟早發澄江岸兒童竹馬久相迎因君幾望塞雲
斷別駕別駕聽我歌黃堂贊佐當如何庇民事業毋草
草要使聲名垂不磨

送無心上人

生來自是無心客縱有靈臺亦不悅九仞巍山滄海上
一輪明月大江中侵階碧草諸緣寂滿目浮雲萬慮空

穩被袈裟無住着大千渺渺任飄飄

送曾存忠還泰和

那堪秋盡送人行况是通家舊弟兄
痛我早乖家室願憐君遠盡友于情
六千里外來歸骨九十冬前忍送程
不盡我懷君欲去相思一度一愁生

存忠曾君亡妻兄也今年來歸其喪喪先歸矣君留
數月始還學士大夫贈以詩文吏部郎中兼翰林院
侍書程君南雲隸古此篇予不能忘情而發者備數
于後

七言律詩

題萬安劉廣泰孝友堂卷

華堂遙在五雲城藉藉人傳孝友名
失怙尤閑詩禮訓思親惟薦弟兄情
五株玉樹風前秀一種荆花雪後榮
仲氏祗今方顯達璽書褒贈貴幽明

送陳虬赴延安知府

聖主每求良太守郎官今拜古諸侯
名卿獨采冰霜操大郡兼資撫字謀
三月馬從彰武去千年河出孟門流
此邦自昔稱韓范子去賢名好共收

送宋謙侍父以翰林檢討致事南還

萬里辭家來定省觀光直到帝王城
嚴親喜逐懸車

願孝子欣諧養志情
白玉堂中朝捧膳
黃金臺下晚登程
誰如父子同榮幸
畫錦光榮綵服明

題萬竿烟雨竹送歐陽潘赴四川嘉定訓導

都門楊柳秋風後
零落那堪折
送行誰寫渭川千畝玉
聊因題贈見鄉情
行窮千里過三峽
坐對諸生講一經
佇見達材成德日
紛紛化出滄溟

送羅學古之任南海

九重恩詔下銓曹
暫假魚鹽貯俊髦
人喜官閒名未晦
身逢主聖爵當高
嶺南佇見施新政
闕下行看序
勞勞分手忽驚遠
萬里不堪離思滿江皋

雙翠堂為順天府學司訓宋觀作

翠竹蒼松一遙深
畫堂晴日自陰陰
高枝偃寒長巢鶴
嫩笋參差每作林
冬晚獨堅冰雪操
春深誰識歲寒心
多君對此資脩德
會見聲名重萬金

送江御史鈇復職還南京

多角稜稜掛鈇冠
持綱幾度向朝端
威如夏日三冬
烈面帶秋霜六月寒
已見銓曹書上考
還騎驄馬出長安
都城冠蓋多親故
欲挽無由別又難

琴書樓

好景登樓面面看
更憐塵俗不相干
遺書滿架尋常

古調援琴取次彈高山流水含情遠細雨寒燈到夜闌
此外料應無別事長吟日日對峯巒

送同年劉御史鼎貫按治交趾

九重天上奉綸音萬里南交獨按臨白簡豸冠過故
里繡衣驄馬度高岑恩宣猿獠雲崖遠霜入豺狼霧壑
深自是儒生敦大義向承天語最關心

送人作吉安府陰陽正術

螺子山前白鷺洲之官喜作故鄉遊家傳卜筮明三易
學貫陰陽列九流玉珮朝回露雨露錦衣歸去照林丘
良田繞屋餘千畝到日應看稻有秋

梅雪軒

白雪漫空密布時，群英落盡見芳姿。
素花積絮當牆角，紫玉堆瓊近水涯。
寒入朱簾珠影在，光分青史暗香隨。
窓前幾度談經罷，坐對清芬自詠詩。

送左春坊大學士王時彥先生省親

承恩歸去拜慈闈，褒錫兼隆古所稀。
五色龍紋迴錦誥，九霄雲彩煥斑衣。
水經汶濟玻璃合，出入廬匡紫翠圍。
漸看文星近南斗，五峯三市倍光輝。

輓桂池處士

一生何處避喧譁，士桂龍池石徑斜。
數畝志存高士宅。

一尊夢斷故人家雲霄寥落跡鴻字苔迳荒蕪廢鹿車
想得青山埋玉處西風落日怨啼鴉

送曾僉事鼎復職四川按察

鄉榜當年第一人三持憲節出 楓宸九霄雨露承恩
重六月冰霜布命新水接楚天波浩蕩山連蜀道勢嶙
峋聖朝有待咨詢力繡斧巡行莫憚頻

送廖知縣子謨督運自沙漠歸穎上

萬乘親征向草萊出關饋餉搃兵才廣與白粲千鍾去
遠到黃沙萬里來飛鳥又從瓊島畔停驂應到穎城隈
南行為報多方喜 聖主平胡指日回

送杜給事中桓省親東歸

憶昔先皇選近臣，獨憐文采出群倫。
三年簪筆時名盛，萬里還家晝錦新。
筮仕已看榮要秩，推恩况喜及周親。
懸知拜慶高堂日，尊酒何妨獻壽頻。

孝子思親

憐子多年失二親，啣哀無處睹慈仁。
履殘濡露心如割，望斷停雲淚滿襟。
九地莫將三釜養，一生空媿百年身。
古來大孝須揚顯，好向明時作盡臣。

送邵都御史玘赴南京

曾是先朝執法人，提綱新拜內臺臣。
恩頒北闕綸音初

政肅南京憲紀新仁恕豈煩加獄烏鶩光榮有待畫麒麟
東風別後趨朝處佇聽封章奏紫宸

送郭僉事公緒還貴州分得洞庭湖

洞庭初入渺無涯遙望君山認壽沙水盡南天迷楚越
光涵西日浪渝巴湘豚夜出蛟精室江燕晴隨使客槎
寂是往來多勝詠知君此去興尤賒

送晏鐸任御史

彤庭入對蚤馳名翰苑遨遊更著聲一道喜聞膺選擢
百僚行見為澄清春風按部威聲肅曉日趨朝錦繡明
自古憲臣應侃侃攄忠方不愧生平

送同年牟秉常

四十年前觀國賓，九千里外宦遊人。
喜逢故舊青眸在，驚見容顏白髮新。
自是蘇鄉頻守節，豈應原憲久淹貧。
玉門關外西風急，會待吹噓到紫宸。

送陳宗理御史江西審刑獄

玉節煌煌自上台，西江到處覩天開。
廣勞念慮懸秋鑑，大布輝光照夜臺。
肯使芝蘭成腐草，須教煙焰起寒灰。
哀矜豈但蘇刑獄，別有恩波被草萊。

壽南京吏部曹尚書子宜七十

家在茅山無百里，官居銓省似比隣。
蟠桃已熟三千歲，

壽曆方書七十春席上餽饜多海錯座中賓客半鄉親
何殊衣錦歸榮樂歲歲如君有幾人

送劉行人諭奉使滿刺加國

煌煌玉節戴星槎萬里覃恩滿刺加夜涉鯨波看海島
春隨鳳詔降天涯心馳江關惟瞻斗信感南夷搃慕
華况復仁山文水過往來畫錦光六床

送彭卓教授赴揚州

古來作官重揚州况復淮南是舊遊書冊定携周禮樂
齋居還列魯春秋下堂鼓瑟升堂誦入郭登樓出郭舟
仕宦惟應如此樂從教華髮自盈頭

送劉僉事羽翔赴江西按察

擢第登朝事 聖明為郎論讞最公精
才收粉署無雙譽 行擅鄉邦第一評
遷秩面承天語重 過家人羨錦衣榮
西江到處風霜厲 奸宄潛銷列郡清

寄雲南沐都督

聞道將軍崇令德 甲兵况復滿胸襟
六韜蚤已繩先志 百載長懸報國心
前代勲庸垂世遠 南滇惠愛入人深
但教四鄙皆如此 何必中朝見羽林

題樓主事日宏友桂軒

移得靈根自廣寒 庭前高蓋翠盤盤
開軒如對賓朋坐

出戶還將直諒看，月照玉柯霜皎皎。
花開金粟露溥溥，由來美德無孤立。
好向階除更藝蘭。

題竹林七賢

脩竹娟娟翠欲流，萬竿深處七賢遊。
曠懷雅度人皆別，俊骨英才世罕儔。
河內山陽新寄迹，水邊林下日尋幽。
千年魏晉風流在，今日披圖思不休。

送鮑縣丞宣安赴新興

一門飭行更明經，鮑氏人稱好弟兄。
貳尹重辭雙鳳闕，新興遠過五羊城。
心馳京國頻回首，路繞鄉園每計程。
却憶嚴親遊宦處，山川不異海南行。

寓懷來叅政吳公見訪不遇賦

清德芳名自老成，朱衣象簡更光榮。
西江憲體無雙譽，東海才華第一評。
讐校往年推獨步，交游此日見常情。
東華門外春長在，尤憶鳴珂共聽鶯。

關路迢迢關嶺高，驅馳喜見不辭勞。
君臣義重幾忘已，故舊情深過遺袍。
千里黃雲隨駿足，九霄紅日照旌旄。
秋風廻轡關西道，還許都人薦濁醪。

送徵江尹同知

楊柳都門十里橋，綠陰深處集金貂。
一樽話別交情切，疋馬之官去路遙。
猿獠應思賢二守，綏懷好體聖明

朝懸知奏最重來日遷擢行看自九霄

題菊

南北烟塵道路昏蕭然環堵一乾坤白衣載酒情如舊
黃菊當籬色正繁林外秋霜知草木人間風景屬丘園
畫圖不盡歸來意惟有神交欲細論

送蕭汝機知事還衡州府兼簡本之大叅之信教授
一從筮仕衡陽幕幾載相違薊北塵能事每承青眼客
孝心長憶白頭親北來考績朝明主南去之官遇故
人為我殷勤道音信君恩未許乞閒身

七言絕句

陳純持枯木竹石求題配東里先生所題墨竹

我家巷南子巷北喬木脩篁各有承任是榮枯期自保
勿如荆棘使人憎

質如淇玉秀娟娟培養方逾志學年況有海桑根本在
會看枝葉拂雲端

太學生與國方子宣來舉教官不偶以畫求題

庚庚蒼石立風烟產自江南種玉田涼雨滿空秋白水
客懷清思在平川

嘉禾幽篁秀且清橋門高處暫叢生從在梁棟非凡具
肯為茅齋就小成

題徐知府敬畫梅為御史驥仲德

乾坤雨露真恩澤，殺伐皆存育物仁。
試看南村深雪裏，寒梅凍折亦生春。

北自潯陽南度嶺，幾人持斧事澄清。
當時誰似冰霜潔，君與梅花可共評。

題彭存文摺扇

兄弟兩人雙白壁，一游江海一京華。
千年難買連枝會，今日長安共看花。

製作湘筠蕪刻楮，儼如新月在雲端。
相逢持贈南行客，

作江湖六月寒。

題扇為張成秀才

紛然白壁出藍田，得似青春秀質妍。
但使縱橫施五采，彬彬方稱故家賢。

題蘭送司訓敬詢

四十年前窓下榻，與君交契等金蘭。
相逢持此還相贈，好把新圖似舊看。

遠從薊北赴湘南，目送關河萬里帆。
莫訝魚鹽官職冷，相臣元自起商巖。

題湯參將節所葺村田樂園

閭里時平多白首，田疇歲稔總黃金。
人人醉酒如擊鼓，

酒醒曾無怨恨心

醉來嬉戲情如怒
歸去酣歌喜欲狂
自是承平無橫斂
年年此樂社時忙

雪山

瑤階削出玉芙蓉
四海謳歌樂歲雍
九仞不煩施一筭
六花更見幻千峯

東瞻梁父非秦禪
西望岷山似禹封
從有巖崖溪壑秀
野行無處覓遺蹤

題枯木贈鄒橙

鄉人為子栽丹杏
歲歲能添幾百株
但得活人多似米

新苗從長舊從枯

爾家累世弘仁術春雨膏田種藥苗
一入都城觀勝槩高門貴館競相招

題孤山清興為益運呂同知

疎影一枝春破牖清光萬頃月涵波
生平不到孤山下誰識逋仙清興多

錢塘山水羨西湖景物繁華歲歲殊
三百年来題詠富獨聞清興說林逋

題蕭士高所藏墨竹

爲竹當年重學淵一枝遺墨淨娟娟
飄揚已有凌雲勢

何待吹噓送上天

題竹送蕭孟勤編脩展祭還鄉

紛紛送客都城外
折盡東風柳萬條
獨假琅玕將遠意
殷勤直到武陵橋

題黃菊葵

葉長娟娟排翠玉
花開淡淡展黃金
秋風任恁吹凋謝
留得傾陽一寸心

題屈原漁父

清濁無能與世俱
紛紛誰復可為徒
湘川不遇巢由侶
寧識三閭楚大夫

題芝蘭荆棘

崖谷本為清絕地芝蘭荆棘曷為群東風長養秋風殺
美自芬芳惡自焚

題望雲書舍送李通判桓圭以進表還常州

一緘千里奏金門萬壽齊天祝至尊誰似朝宗心最
切五雲深處荷榮恩

題筠川書屋圖為南岡李氏

憶在前元亭館盛園丁逐日報花開百年零落將漸盡
僅有絃歌徹上台

戶外腴田三十萬嘗聞幾半屬鄉門但教未繼仍忠厚

富盛行當復子孫

縣城西去是筠川山有靈根水有鮮太守若諧歸老計
從教斷釣樂長年

送魏侍郎驥赴南京吏部

郊廟頻沾有事榮容臺尚仰舊聲名重來故吏空迎喜
非贊清卿贊治卿

魏嘗為上常博士遷少卿

六卿大政已三叅再秉銓衡獨向南聖代每敦根本地
綠梁今復選梗楠

四十年来荷主恩雖驚髮白赤心存但教了却公家事
任有餘閑教子孫

駿馬紛紛踏雪嘶，冒寒相送帝城西。
思君後夜瞻南斗，煥彩惟應讓壁奎。

玉堂南畔舊時廬，翠竹娟娟碧梧安。
得重為天所念，相隨酌酒與投壺。

郡龍濟濟滿南京，才德承恩並有聲。
文價更誰高宰比，惟應少保大司成。

大司成謂陳祭酒敬宗

天官司馬兼文武，政事閒勞自有經。
想見宴遊賓客盛，若非涼館即新亭。

司馬謂兵部侍郎徐珩時奏贊南京涼館新亭

金陵近接蕭山境，風俗從來里閭同。
况有冬卿與宗伯，並宮咸出浙西東。

因丞相謂趙侍郎新冬卿謂吳儂政等入侍東

不住金陵二十年，因君重為意茫然。未能兼善稱天下，深媿孤恩住日邊。

題楊少保江鄉歸趣圖

四十餘年居宦達，老懷寧不念江鄉。繡林舊日窮經宅，擬闢荒蕪構草堂。

聖主恩波知最渥，先人經訓喜尤存。千金已擬分宗族，萬卷還須教子孫。

鄉閭故舊懷高誼，宗戚兒童仰盛名。見說懸車應競喜，時時江上問歸旌。

一生忠厚傳家術，二頃桑麻負郭田。若遂乞身歸老志，

任行西陌與東阡

賢人輔國路人歌今見名公得譽多七十引年雖古制
其如 聖主眷隆何

和濟堂

繞屋森森紅杏樹春來亭館萬花中倚欄試問栽培力
總是當時濟物功

幾活嬰兒却遺金神功久矣入人深不因囊底君臣藥
那慰人間父母心

送陳主事鑠任南京禮部

西風劍北葉初飛時聽砧聲思轉悲况是頻年携手伴

都門撫景話分離

吳水吳山已不群
金陵勝處更清芬
昔年載酒登臨樂
今日遨遊獨送君

千里迎親來就養
南還又得奉權行
莫言來往江湖數
得盡平生父子情

射策金門被寵深
更承優詔入詞林
只今祠部聯清秩
好竭明禋一寸心

題陳處士所藏海棠

綠葉紅花過雨時
妖嬈艷麗兩三枝
寧教調舌雙禽立
不遣尋芳一蝶窺

葉底神完春睡足
檻前力弱曉風寒
開簾可恨無香度
不似當年蜀地看

送僧會永安赴南昌新吳

榮捧除書自日邊
只緣心悟飽參禪
西江明到真如地
坐對諸峯啟法筵

奉和 聖製天不雨雪憂民吟

麥田欲稼苦愆陽
聖主憂民視若傷
何必桑林躬致
禱至誠先已達蒼蒼

三公職在理陰陽
田野何人問喘傷
仰賴吾皇勤贊

化佇看瑞雪遍青蒼

送傅玉潤還臨江二絕

壯志恒輕萬里程
往來得盡弟兄情
西風又作都門別
忍聽分飛一雁鳴

津樓絃管正紛紛
換却離愁是送君
何事傷心銷不得
紫荊凋謝鶴鴒分

送彭士英赴春官二首

長年為客送南征
今日南還又送行
看取岸頭芳草地
韶光處處是離情

少年挾策領鄉書
萬里朝天拽錦裾
我欲買舟仍北上
禹門同看躍龍魚

題蕭德郁桃源圖

門臨繡谷春如畫
水繞青山翠欲流
久慕桃源風景好
南歸惆悵未能遊

題梅二首為羅進善

百卉無榮歲正闌
萬花如雪獨凌寒
披圖彷彿西湖上
更似羅浮庾嶺看

昔在德安良二守
平生清白似梅花
承家喜見賢孫子
更比梅花絕點瑕

詞

玉樓春

人間佳節逢三五喜氣千門兼萬戶金蓮花發九重城
寶馬人遊三島路乾坤俯仰吾為主一統華夷天賦與
元宵嘉景萬方同永保山河磐石固

竹泉為江陰朱善慶

境幽偏兮無諠又廓然兮軒朗野色兮篔簹天光兮滉
漾聲撼撼兮頻在簷間韻淙淙兮如出弦上溪深兮魚
遊林茂兮鳥唱綠雲翳兮殺炎敲碧靄蒙兮隔塵鞅月
明兮沉澈風清兮颯爽聊此棲遲時有知心兮還往群
賢兮徵庸子曷為兮獨閒放鳳鳴兮與鯤化將有待兮
雲海之上

中國耕樂為吉水周氏

園中人兮樂細山盤盤兮水滢滢秧針起兮布谷鳴桑
麻倏兮有成况復聞兮寬征酒盈缸兮繫繫鷄啄黍兮
正肥咲捧壽兮庭闈聊舞子兮斑衣耕園樂兮干祿學
所貴兮逢時群賢奮兮寥廓子獨樂兮何為

滿庭芳

賦就芳姿生成美質可為當代賢良比於前進誰短又
誰長况存心忠直故喜得遭際虞唐致身在蓬萊閣苑
日日近清光長時承委任寧辭勞苦肯負剛揚更慷慨
恬退曾不矜張自古明良會遇如魚水歡洽何妨佳節

近揄揚美德一曲滿庭芳

又

從古世間英雄豪傑阿誰圖上丹青事君報國只在秉
忠誠夙夜兢兢匪懈欲保守令德光榮建功勛始終一
節千萬載留名居清高地位腰金衣紫樂際昇平况良
辰佳節風景清明任對千鍾美酒瓊筵上絃管讚聲這
的是君臣同樂慶四海豐登

又

盈耳芳名超群令德看來誰是英賢自從知遇信任每
無全所事守法任恁他終始心堅信知道光榮富貴得

失總由天

逢佳辰令節黃花綠酒擺列芳筵對清歌妙舞懽賞樽
前共幸風調雨順晉天下人樂豐年貴與賤咸躋壽域
國祚永安然

滿庭芳 夏景

高爽庭臺清和節令太平時景偏長綠陰清晝接引芟
荷香寶鼎沉烟篆細絲檻外無限韶光珠簾捲薰風微
度閣有新涼瓊筵開玳瑁清歌妙舞蝶拍鶯簧慶時和
歲稔景美辰良况是花明柳暗上林又嘉麥垂黃不必
道蓬萊閬苑仙境在何方

兩順風調民安國泰四方邊境清寧畫橋流水環繞鳳
凰城十里雕欄迢遞跨碧海遙接蓬瀛花香滿風清畫
永避暑納涼亭今年多喜慶四方萬國禾黍豐登十分
的符合天意人情喜聽謳歌擊壤何必奏絃管新聲端
的是君民上下同樂此昇平

西江月

藹藹清和景致穰穰豐稔年時民安物阜際雍熙四海
懽聲喜氣門巷綠陰清畫池莖急管繁絲納涼避暑酌
金卮偏直清香細

鳳凰閣壽少傅建安楊公

美三朝保傳元勳舊德赤心一片在邦國尊主庇民
能事不動聲色信是補仲山袞職華堂初度燁燁光
生南極情知天意福忠直增壽也俾來朝更過千億永
把朝廷輔翼

又一首有序

恭以少傅工部尚書兼謹身殿大學士建安楊先
生初度之辰為十二月初九日于今宣德甲寅之歲
春秋六十有四政宋司馬溫公預洛社耆英之會也
蓋先生自洪武庚辰舉進士官顯要于茲三十有五
年高爵德既符無愧於司馬而壽之隆方盛未艾每

乎有以為慶者於乎相 天子治百姓先生肯在温
公後聊敬製金明池詞一首以致祝願長生之意

房杜謀謨韓歐功業庶事 三朝 聖主兼少傅尚書

學士在親信宥密處所筭春秋八八纔臨已五七黃閣
青雲初度况比德潞公齊年司馬洛社耆英當預

自古斯文光輝處似五福兼全罕逢稀遇文星顯群仙
共慶花甲滿二周重數喜今朝壽域弘閑借北海為尊
南山為俎頌景福隆長椿齡永遠賽過高年彭祖

書錦堂壽少傅楊先生

碩望弘才高文興學系出青白華宗早自玉堂金馬兼

輔 春宮重將和羹調寶鼎再扶紅日上璠空三紀內
歷事 三朝巍然舊德元功 曾受

先朝貞一號光榮今古稀逢入道是文章韓柳事節夔
龍童顏鶴髮承 恩寵玉階黃閣步春風咸祝願百歲
年年今日壽酒千鍾

芳洲文集續編卷之六終